

Batismo – Natal de l cristiano

L Natal lhembra l nacimiento de Jasus; l Batismo festeija l natal de l cristiano. Berdadeiramente, naide nace yá cristiano, tornámo-mos cristianos pul Batismo cumo canta un hino de la lhiturgie de l'Eigreja: *“Filho de l Eiterno Pai, nacido de Marie, que n’auga de l batismo, mos diste la lhuç de la vida”*.

Marie i Jesé acumpánhan-mos ne l camino de l ancontro cun Jasus Cristo i na propuosta alegre de l’ousadie de l Eibangelho a comunicar hoije: *“Se conhecesses l Dom de Dius!”* (cf. Jo 4, 5-42).

A todos i a cada un de bós, specialmente a las personas d’idade, als ninos, als jobes, als mais tristes, als que mais xúfren, als mais probes, als dolientes, als presos, als migrantes, mostramos la nuossa prossimidade i deseamos la paç de l coraçon, apelando a que naide quede andiferente a las lhágrimas i a las necidades de la vida, de fé i d’amor.

L’alegrie de l Natal manifeste la beleza de l ancontro pessoal cun Jasus Cristo, bibido an dinamismo bocacional segundo l qual Dius chama i l ser houmano responde.

Bibir ye Cristo!

Abraço-bos cordialmente por Cristo, cun Cristo i an Cristo,

Bregância, Adbento-Natal 2017

+ Jesé Manuel Cordeiro